



**მოვაჭრე შპს „აიბი-მთიების“ მიერ „მომხმარებლის უფლებების დაცვის შესახებ“ საქართველოს კანონის სავარაუდო დარღვევის ფაქტის შეფასების გარეშე საქმის შესწავლის დასრულების თაობაზე**

„კონკურენციის შესახებ“ საქართველოს კანონის მე-17<sup>1</sup> მუხლის მე-4 პუნქტის, მე-18 მუხლის მე-4 პუნქტის, „მომხმარებლის უფლებების დაცვის შესახებ“ საქართველოს კანონის 29-ე მუხლის 1-ლი პუნქტის, 33-ე მუხლის მე-8 პუნქტის, საქართველოს კონკურენციის ეროვნული სააგენტოს თავმჯდომარის 2022 წლის 29 სექტემბრის №45 ბრძანებით დამტკიცებული „საქმის შესწავლის წესისა და პროცედურის“ მე-12 მუხლისა და მე-17 მუხლის მე-2 პუნქტის „გ“ ქვეპუნქტის საფუძველზე:

**ვბრძანებ:**

1. სსიპ - საქართველოს კონკურენციის ეროვნული სააგენტოს თავმჯდომარის 2023 წლის 2 ოქტომბრის №04/679 ბრძანებით, შპს „აიბი-მთიების“ (ს/ნ 202166921) მიმართ დაწყებული საქმის შესწავლა დასრულდეს მოვაჭრის მიერ „მომხმარებლის უფლებების დაცვის შესახებ“ საქართველოს კანონის სავარაუდო დარღვევის ფაქტის შეფასების გარეშე, ამ ბრძანების დანართის შესაბამისად, პირობითი ვალდებულების აღების თაობაზე მოვაჭრესა და სააგენტოს შორის გაფორმებული შეთანხმების გათვალისწინებით.
2. შპს „აიბი-მთიებს“ (ს/ნ 202166921) დაევალოს, პირობითი ვალდებულების თაობაზე წერილობითი შეთანხმების გაფორმებიდან ყოველი მომდევნო სასწავლო წლის დაწყებამდე, არაუგვიანეს 15 აგვისტოსი, განახორციელოს შეთანხმების პირველი მუხლით გათვალისწინებული ღონისძიებები.
3. ეს ბრძანება, პირობითი ვალდებულების აღების თაობაზე გაფორმებულ შეთანხმებასთან ერთად, გაეგზავნოს მხარეებს და ინფორმაცია განთავსდეს სააგენტოს ოფიციალურ ვებ-გვერდზე საქართველოს კანონმდებლობის შესაბამისად.
4. ბრძანება ამოქმედდეს ხელმოწერისთანავე.




5. ეს ბრძანება შეიძლება გასაჩივრდეს მისი კანონმდებლობით დადგენილი წესით გაცნობიდან 1 (ერთი) თვის ვადაში თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი N64).

**საფუძველი:** შპს „აიბი-მთიებს“ (ს/ნ 202166921) მიერ პირობითი ვალდებულების აღების თაობაზე სსიპ - საქართველოს კონკურენციის ეროვნულ სააგენტოსა და მოვაჭრე - შპს „აიბი-მთიებს“ შორის გაფორმებული 2023 წლის 4 დეკემბრის შეთანხმება.

ირაკლი ლექვიანიძე

თავმჯდომარე



*შეთანხმება შპს აიბი - მთიების მიერ პირობითი*

*ვალდებულების აღების თაობაზე*

ქ. თბილისი

4 დეკემბერი, 2023 წელი

ერთის მხრივ შპს აიბი - მთიები (ს/ნ 202166921), (შემდგომში - სკოლა) (მისამართი: ქ.თბილისი, ქუთაისის ქ. №20) - წარმოდგენილი მისი დირექტორის ნინო ჩიკვაძის მიერ და მეორე მხრივ, სსიპ - საქართველოს კონკურენციის ეროვნული სააგენტო (ს/ნ 205310938) (შემდგომში - სააგენტო) წარმოდგენილი თავმჯდომარის ირაკლი ლექვინაძის სახით, „მომხმარებლის უფლებების დაცვის შესახებ“ საქართველოს კანონის (შემდგომში - კანონი) 28-ე მუხლის პირველი პუნქტის, 33-ე მუხლის მე-8, მე-9 და მე-10 პუნქტების, საქართველოს კონკურენციის ეროვნული სააგენტოს თავმჯდომარის 2022 წლის 29 სექტემბრის №45 ბრძანებით დამტკიცებული „საქმის შესწავლის წესისა და პროცედურის“ (შემდგომში - პროცედურა) მე-8 მუხლის მე-3 პუნქტის, მე-12 მუხლის, მე-17 მუხლის მე-2 პუნქტის „გ“ ქვეპუნქტის საფუძველზე, ვდებთ წინამდებარე შეთანხმებას შემდეგზე:

**1. შეთანხმების საგანი**

1. სკოლის მოსწავლეთა სასკოლო სახელმძღვანელოებით უზრუნველყოფის მიზნით, სკოლა იღებს ვალდებულებას მოსწავლეთა მშობლებს/მოსწავლეთა კანონიერ წარმომდგენლებს ელექტრონულ ფოსტაზე მიაწოდოს და მიიღოს დასტური, სახელმძღვანელოებთან დაკავშირებით შემდეგი სახის ინფორმაცია:

ა) სკოლის სახელწოდების (სახელწოდება, საიდენტიფიკაციო ნომერი) და მისამართის (იურიდიული მისამართი); ფაქტობრივ მისამართის, თუ ის განსხვავდება იურიდიული მისამართისგან. ელექტრონული ფოსტის მისამართის, ტელეფონის ნომრების/საკონტაქტო პირის/პირების შესახებ ინფორმაცია, რომელთა მეშვეობითაც მოსწავლის მშობელს/კანონიერ წარმომადგენელს შეეძლება სწრაფი და ეფექტიანი კომუნიკაცია;

ბ) მიაწოდოს სასკოლო/სასწავლო სახელმძღვანელოების ზუსტი ჩამონათვალი ავტორის/ავტორების, გამომცემლობების, სახელმძღვანელოების სავარაუდო

ღირებულების<sup>1</sup> მითითებით, სასწავლო წლის დასრულებიდან არაუგვიანეს 15 აგვისტოს ჩათვლით;

*სკოლა იტოვებს უფლებას სახელმძღვანელოების ჩამონათვალი შეცვალოს სწავლის დაწყების პერიოდისთვის ფორსმაჟორული გარემოებების გათვალისწინებით,*

გ) სასკოლო/სასწავლო სახელმძღვანელოების ჩამონათვალი, დაზუსტებული ღირებულების მითითებით მშობელს აცნობოს შესაბამისი სახელმძღვანელო/სახელმძღვანელოების მომწოდებელი დაწესებულების/სტამბის მიერ სახელმძღვანელოების სკოლაში განთავსებიდან და ზუსტი ღირებულების განსაზღვრიდან არაუგვიანეს 2 (ორი) სამუშაო დღის ვადაში.

დ) გადახდის, სახელმძღვანელოების მიწოდებისა და ვალდებულების შესრულების პირობების შესახებ;

ე) სახელმძღვანელოს წუნის/დეფექტის შემთხვევაში, შეცვლის/დაბრუნების შესაძლებლობის შესახებ ინფორმაცია;

ვ) არსებობის შემთხვევაში – ხელშეკრულებაზე უარის თქმის პირობების შესახებ.

2. სკოლაში წიგნების შეძენის შემთხვევაში, მოსწავლის მშობელი/კანონიერი წარმომადგენელი უფლებამოსილია შეიძინოს წიგნი, როგორც ინდივიდუალურად ასევე, მთლიანი კომპლექტაცია.

## **2. შეთანხმების შესრულების ვადა**

2.1. წინამდებარე შეთანხმება ძალაში შედის მხარეთა მიერ მისი ხელმოწერისთანავე.

2.2. სკოლა იღებს ვალდებულებას, წინამდებარე შეთანხმების ხელმოწერიდან, ყოველი მომდევნო სასწავლო წლის დაწყებამდე, არაუგვიანეს 15 აგვისტოსი განახორციელოს ამ შეთანხმების პირველი მუხლით გათვალისწინებული ღონისძიებები.

## **3. მხარეთა პასუხისმგებლობა და დავის გადაწყვეტის წესი**

3.1. თითოეული მხარე შეთანხმებით გათვალისწინებული ვალდებულებების სრულად ან ნაწილობრივ შეუსრულებლობის გამო პასუხისმგებლობისაგან

---

<sup>1</sup> ზუსტი ღირებულება დგინდება შესაბამისი მომწოდებელი დაწესებულების/სტამბის მიერ წიგნების ღირებულების თაობაზე დაზუსტებული ინფორმაციის მოწოდების შემდეგ.

თავისუფლება თუ ვალდებულების შეუსრულებლობა გამოწვეულია დაუძლეველი ძალის (ფორს-მაჟორული გარემოებები) შედეგად. შეთანხმების მიზნებისთვის „ფორსმაჟორულ“ გარემოებად ჩაითვლება გარემოება ან მოვლენა, რომელიც სცდება სააგენტოს ან სკოლის კონტროლის ფარგლებს და შესაბამის მხარეს არ შეეძლო მისი წინასწარ განჭვრეტა ან/დათავიდან აცილება და რომლის დადგომაც გათვალისწინებულ ვალდებულების შესრულებას შეუძლებელს ხდის. შეთანხმების მიზნებისთვის „ფორსმაჟორულ“ გარემოება მოიცავს, მაგრამ არ შემოიფარგლება სტიქიური უბედურებებით, გაფიცვებით, საბოტაჟით, წარმოების სხვა სახის შეფერხებით.

3.2. მხარე, რომელიც ვერ ასრულებს ვალდებულებას ფორსმაჟორული გარემოების ან მოვლენის გამო, ვალდებულია აცნობოს მეორე მხარეს ხსენებული გარემოების ან მოვლენის როგორც დადგომის, ასევე შეწყვეტის შესახებ არაუგვიანეს 10 დღისა მისი დადგომიდან ან შეწყვეტიდან.


3.3 შეთანხმებიდან გამომდინარე დავა მხარეებს შორის წყდება საქართველოს კანონმდებლობით დადგენილი წესით.

#### 4. სხვა პირობები

4.1. წინამდებარე შეთანხმება დადებულია მხარეთა შეთანხმებით და ნებაყოფლობით.

4.2. შეთანხმება შედგენილია ქართულ ენაზე, თანაბარი იურიდიული ძალის მქონე 2 (ორი) ეგზემპლარად, რომელთაგან ერთი გადაეცემა მოვაჭრეს, ხოლო მეორე - სააგენტოს.

#### 5. მხარეთა რეკვიზიტები და ხელმოწერები

სკოლა	სააგენტო
<p>შპს აიბი - მთიანი ს/კ 202166921 ქ. თბილისი, ქუთაისის ქ. 20 დირექტორი ნინო ჩიკვაძე</p>  	<p>საქართველოს კონკურენციის ეროვნული სააგენტო (ს/კ 205310938) მის.: ქ. თბილისი, დავით-აღმაშენებლის გამზირი N154 სააგენტოს თავმჯდომარე ირაკლი ლექვიანიძე</p> 